

THESIS XXXVII.

*De communicatione idiomatum divinorum et humanorum
in Christo una persona duplicitis naturae.*

¶ Cum unitate personae in duabus naturis *indivise* et *impermixte* permanentibus cohaeret intime ea, quae dici solet *communicatio idiomatum*. Haec enim 1^a quoad *rem ipsam* ad illud revocatur principium, quod unius personae, sive ea Deus nominetur ex natura divina sive homo ex natura humana, utraque natura et utrinque naturae attributa sunt propria, natura tamen manent inconfusae; unde 2^a in ordine *praedicationis*, qui rebus ipsis respondeat necesse est, *communicatio idiomatum* ea est, ut *supposita unione* deo Verbo praedicanda sint omnia, quae vera sunt de hoc homine Iesu Christo, et vicissim de hoc homine praedicanda sint, quae vera sunt de Deo Verbo, propter *hypostasis unitatem*; non tamen natura unius naturae proprietates praedicentur de natura altera, propter naturarum diversitatem; quod compendio dici solet, humana et divina in Christo praedicantur mutuo substantiae et in *concreto*, non tamen in *abstracto*.

I. *Communicationis* (ἀντιδοσίας) idiomatum dicti potest tripliciter: a) omnino impropre, quae sit communicatio inter duas hypostases habituidine quadam coniunctas ita, ut una per quandam derivationem particeps fiat dignitatis, auctoritatis, dominationis et quorundam nominum alterius, et altera morali imputatione ad se referat honores et iniurias alterius. Haec est communicatio ἀναρρόπης et σχετική Nestorianorum (cf. p. 189). b) Potest communicatio proprietatum asseri inter ipsas naturas, ut proprietates unius naturae dicantur fieri formaliter proprietates alterius naturae. Haec est confusio absurdula Eutychianorum et veterum Lutheranorum, de quibus ubiquetariis appellatis consule Bellarmine (de Christo l. III. c. 1. et 9). c) Sicut duo modi communicationis commemorati nectuntur necessario, alter cum haeresi distinguente personas, alter cum haeresi confundente naturas; ita cum doctrina revelata de unitate hypostaseos in duabus distinctis naturis, cohaeret necessario respondens communicatio idiomatum; immo *ontologice* communicatio idiomatum est ipsa unitas hypostaseos, quatenus habet duas naturas distinctas et diversas cum omnibus earundem naturarum attributis.

Nimirum communicatio *realis* idiomatum ex dogmate catholieco non est inter naturas, ut attributa unius fiant attributa alterius, quamvis ex divina natura in humanam plenitudo donorum creatorum derivetur, quae tamen non sunt idiomata ac ipsae proprietates divinae naturae; sed *realis* communicatio est hypostaseos, quae cum esset natura unius et in forma Dei, facta est hypostasis naturae etiam humanae et in forma servi, adeoque hypostasis *a communis* duabus naturis. Unde is qui est Deus, seu hypostasis quae est Deus, seu Deus Verbum est homo, et propterea vicissim hypostasis quae est homo, seu hic homo Iesus Christus est Deus. Revocatur ergo *realis* communicatio idiomatum ad hoc principium fundamentale: Deus est homo, homo est Deus; non tamen divinitas (essentia et τὸ οὐκ εἶναι) est humanitas aut homo, nec humanitas est divinitas aut Deus. Una persona composita Christus totus est Deus et totus est homo, totus est Deus etiam cum humanitate sed non secundum humanitatem Deus, et totus est homo cum divinitate sed non secundum divinitatem homo. Symbol. inter Act. Ephes. (supra p. 324). Verbis geminis ait Gelasius I. Pontifex (vel potius alius) lib. de duabus naturis Bibl. Max. PP. T. VIII. p. 702: « unius atque idem Dominus Iesus Christus et totus Deus homo, et totus homo Deus; et quidquid est humanitatis, Deus homo suum facit, et quidquid est Dei, homo Deus habet. . . . sic totus homo permanet esse, quod est Deus, ut totus Deus permaneat esse, quidquid homo est. »

II. Ordini obiectivo rerum respondeat oportet *ordo praedicationis*. Ex principio ergo posito communicationis *realis* facile deducitur, quomodo divina et humana possint ac debent in Christo praedicari mutuo, et quomodo sine errore praedicari non possint. Haec mutua praedicationis est, quae solet intelligi potissimum nomine *communicationis idiomatum*, quamvis forte melius diceretur *praedicationis idiomatum* fundata in eorum communicatione. Ex principio autem declarato communicationis *realis* consequitur hoc generale principium pro ordine praedicationis: *quidquid unione supposita affirmatur de hypostasi nominata secundum*

dum unam naturam, affirmandum est etiam de eadem hypostasi nominata secundum alteram naturam eo ipso, quod una et eadem est hypostasis, quae modo ex una natura Deus, modo ex altera homo appellatur; non tamen quod praedicatur de una natura, vere etiam praedicari potest de altera, cum naturae distinctae sint et diversae.

Hoc principium generale potest resolvi in quasdam leges ac regulas speciales, quae revocantur ad sequentes.

1°. Propter unitatem hypostasis in duplice natura, de hypostasi nomine *Deus* vel *Verbum* *Deus* significata debent praedicari proprietates et idiomata humana in *concreto* enuntiata; et viciissim de hypostasi significata nomine *homo* vel *Iesus* vel *Christus* debent praedicari attributa omnia divina et proprietates Dei Verbi enuntiatione *concreta*: Deus est homo, est natus in tempore, erat infans, est passus et mortuus etc.; hic homo est verus Deus, est generatus ab aeterno ex substantia Patris, est cum Patre Principium Spiritus Sancti, est creator universi etc. Ratio est, quia nomina concreta tum in subiecto tum in praedicato supponunt pro hypostasi, in subiecto secundum unam, in praedicate secundum alteram naturam. Hypostasis autem est una eademque; ergo potest et debet enuntiari eius identitas spectatae secundum unam et secundum alteram naturam. Nihil enim est aliud dicere: Deus mortuus est, hic homo Iesus est creator universi, quam dicere: is qui est Deus secundum unam naturam, est is ipse qui est mortuus secundum alteram naturam; et is qui est homo secundum unam, est idem ipse qui est creator secundum alteram naturam.

2°. Ex ratione indicata, quod illae praedications verae sunt tantum propter identitatem hypostasis, sequitur, non posse de subiecto formaliter sumpto secundum unam naturam seu sensu reduplicativo praedicari attributa alterius naturae licet in *concreto* enuntiata. Deus *quatenus Deus* non est natus in tempore; homo Iesus *quatenus homo* non est creator. Quando enim subiectum sumitur sensu formalis, iam non solum de hypostasi secundum alteram naturam, sed secundum naturam per ipsum nomen significatam edicitur praedicatum; falsum autem est, Deum secundum na-

turam divinam esse natum in tempore, vel hominem secundum naturam humanam esse creatorem.

3°. Quia inter hypostasin divinam sive secundum unam sive secundum utramque naturam spectetur, et inter humanam naturam non est identitas, ideo de hypostasi seu de subiecto concreto non possunt *in recto* praedicari humana *abstracte* significata. Quia tamen hypostasis Verbum habet naturam et attributa humana assumpta ut sua sibiique propria, possunt humana etiam *abstracte* praedicari de hypostasi, sed tantum *in oblique*. Deus Verbum seu etiam Christus homo non est humanitas, sed est habens humanitatem. Hinc patet, quid sit dicendum de praedicatione partium naturae humanae. Nomina quae significant partem naturae, licet videantur concreta, semper tamen, ubi de Christo sermo est, significant per modum abstractorum naturam et non adsignificant hypostasin. Ideo etiam in triduo, quo Verbum mansit unitum corpori et animae separatis, non potuit dici: Verbum est anima humana, vel est corpus humanum.

4°. Propter diversitatem naturarum in suis proprietatis permanentibus, naturae naturarumque proprietates, quae nominibus abstractis significantur, non possunt de se invicem praedicari. Divinitas non est humanitas.

5°. Quia Deus Verbum non sub formalis ratione naturae divinae sed sub formalis ratione hypostaseos est homo, divina in *abstracto* significata et humana quamvis in *concreto* enuntiata non possunt praedicari mutuo, nisi divinum abstracte enuntiatum accipiatur pro concreto, quod aliquando apud Patres occurrit propter identitatem realem naturae et hypostaseos in Deo. Itaque propositiones: divinitas est homo, est nata ex Virgine, est passa, vel hic homo Iesus est divinitas, sensu formalis non sunt verae. In contextibus tamen quibusdam ss. Patrum non difficulter intelliguntur sensu identico, ut abstractum *divinitas* sumatur pro subsistente Filio Dei, quicum realiter identificatur, quidquid contradicant nonnulli theologi, e. g. Ysambertus in S. Th. 3. q. 16. disp. 2. a. 2.

6°. Quamvis, quae Christo convenient secundum unam tantum naturam, possint de eo simpliciter affirmari iuxta

modum hucusque declaratum; non tamen possunt de eo simpliciter et abeque addita restrictione negari, quae ei secundum unam tantum naturam non convenient. Catholica est professio: Christus vel Deus passus est; sed non potest dici: Christus vel Deus non est passus; nisi addatur restrictio, non est passus scilicet secundum divinitatem. Ratio huius diversitatis est in diversa amplitudine propositionum negantium et affirmantium.

7º. Demum duas adhuc necessariae cautiones advertendae sunt, quarum prima est, quod communicatio idiomatum utpote tota fundata in unitate personae, eniūt duas sunt naturae, unionem Verbi cum natura humana supponit. Ea ergo praedicta, quae unionem enuntiant *faciendam*, possunt quidem tribui Verbo praexistenti non autem homini, cum Verbum ante unionem homo non sit, nec Christo in formalis significatione. Si quando autem huiusmodi praedications de Christo etiam apud Patres occurrant, nomen *Christus* sumunt materialis significationis pro hypostasi spectata solum secundum divinam naturam (vide p. 325. 326). Verissime ergo dicitur: Deus vel Deus Verbum incarnatus est; non tamen homo incarnatus est, nec *Christus* in significatione formalis quatenus Christus est; homo enim et Christus non est subiectum, sed terminus incarnationis. Secundum hunc canonem apparet discrimen inter duas propositiones: « Deus factus est homo », quae est omnino propria; et « homo factus est Deus », quae non est vera, nisi explicetur hoc sensu: « is qui est homo factus, est Deus »; seu « factum est, ut homo sit Deus ». Agunt de his propositionibus Magister 3. dist. 7; S. Th. 3. q. 16. aa. 6. 7. et omnes commentatores in haec loca; vide etiam Petav. IV. cc. 9. 12.

Alterum animadvertisendum est, quod adiectiva derivata a nomine *homo* aut *humanitas* a Nestorianis frequenter detorta sunt ad significandam, eum de Deo praedicantur, solum inhabitacionem Dei in homine. Hoc sensu Nestorius dixit Verbum humanatum, et Verbum esse *ἀνθρώπος*, *συρκορόπων* (quod ultimum aliter perverterunt Apollinariani, ut constat ex Gregor. Naz. ep. 1. ad Cledon.). Magis ambigua sunt adiectiva derivata a nomine *Deus* aut

Dominus. Possunt enim enuntiata de homine significare, hominem esse Deum ac Dominum, ut intelliguntur a Patribus; possunt significare hominis per se subsistentis relationem ad Deum ac Dominum, ut adhibebantur ab haereticis. Ita ambiguae significationis sunt locutiones: homo *dominicuſ*, homo *deiſer*, *deificatuſ* etc. Generatim de huiusmodi denominativis indicari debet ex usu loquendi et ex indole singulorum scriptorum. Consule de tota doctrina communicationis idiomatum s. Ioan. Damascen. Fid. orthod. I. III. cc. 3. 4; s. Thom. 3. q. 16; Bellarmin. de Christol. III. cc. 9. 10; Suarez disp. 35; Ysambert. in 3. q. 16. pluribus continenter disputationibus; Petav. l. IV. cc. 15. 16.

III. Quanti sit haec de communicatione idiomatum doctrina ad mysterium incarnationis rite intelligendum, illustrandum, et defendendum, et ad errores quosvis tuto deprehendendos, facile patet. Nobis enim unitas personae, quae vere Deus sit et eadem vere homo, consubstantialis Patri et consubstantialis nobis, atque ideo duplicita distinctae et diversae naturae, potissimum ex communicatione idiomatum innotescit. Posita enim illa unitate et distinctione necessario consequitur et facile intelligitur haec communicatio, et vivissim haec rite perspecta eo ipso asserta est et vindicata illa unitas et distinctio. Unde etiam vicemissim nemo potest errare in priori sive per divisionem sive per confusionem sive per diminutionem alterutris naturae, quin necessario erret etiam in posteriori; et nemo terminis intellectis potest errare in posteriori, quin eo ipso subvertat priorem doctrinam de unitate personae, vel de distinctione et integritate divinae ac humanae naturae. Quare merito sane animadvertisit Garnerius (Opp. Marii Mercator. T. II. dissert. I. c. 2. §. 1. p. 288), ex communicatione idiomatum peti « regulam, ad quam examinari certo possint unusquisque scriptoris dicta, ut constet, rectene ille sentiat an secus de unitate Christi. »

Nihil ergo mirum, hanc ἀντιδοσίαν ac mutnam praedicationem idiomatum et doctrinam de recto eius usu latissime patere in omnibus monumentis christianis. Nam a) argumenta fere omnia proposita ex Scripturis, symbolis, defini-

nitionibus Conciliorum et ex Patribus ad demonstrandum unum esse et eundem Deum verum et hominem verum, ducentur ex ipsa hac mutua idiomatum praedicatione. b) Nestorius quantumvis verborum fallaciis suam haeresin teget, a Patribus detectus est et convictus ex eo unice, quod communicationem hanc inficiaret et perverteret; quod scilicet negaret Deum esse hominem, et hominem esse Deum, et solum in obliquo dicere Deum habitatorem hominis et θεοποφόρον, et hominem esse instrumentum ac templum Dei et esse deiferum; quod negaret Deum natum ex Virgine, Deum infantem, passum, mortuum esse, et in obliquo solum praedicare Deum coniunctum cum nato, passo etc. Hinc necessarius fuit quartus Cyrilli anathematismus: « si quis dividit personis duabus sive hypostasisib[us] eas voces, quae in evangelicis et apostolicis scriptis continentur, vel a sanctis de Christo dicuntur. . . . anathema sit. » c) Non minus in usum venit idem doctrinae caput in controversia opposita; quando enim Patres adversus monophysitas disputant, vel refellunt Nestorianorum calumnias, qui confusionem naturarum Catholicis exprobare solebant, sedulo monent, praedicata opposita divina et humana uni et eidem quidem tribuenda esse personae, secundum aliam tamen et aliam naturam, naturas ergo conservari sicut indivisas ita non minus inconfusas, nec praedicari unam de altera posse. Quamvis Dei et hominis una persona sit, inquit s. Leo in celebri epistola dogmatica ad Flavianum (28. al. 10. e. 4); aliud tamen est, unde contumelia in utroque communis, aliud unde communis est gloria. De nostro minor Patre humanitas, de Patre aequalis Patri divinitas. » Vide de pace a s. Cyrillo inita cum Orientalibus supra p. 313. sq.

Corollarium 1. Cum explicata communicatione idiomatum vere coincidit ea, quae dicitur duarum naturarum in Christo mutua circumcessio ($\pi\epsilon\rho\chi\omega\rho\eta\zeta$ εἰς ἀλλήλας). Est haec $\pi\epsilon\rho\chi\omega\rho\eta\zeta$ ontologice et in re ipsa nihil aliud quam mutua inexistente plurim integrorum ex eo consequens, quod inter se distincta habent substantiam unitatem in aliquo communi. In ordine *logico*, qui est ipse ordo ontologicus intellectus ac mente perceptus, $\pi\epsilon\rho\chi\omega\rho\eta\zeta$ in eo est,

quod non potest unum intelligi aut nominari, quin in illo realiter comprehendatur et alterum propter eorum inseparabilem unitatem vel unionem. Quae igitur circumcedunt unum in alterum ($\pi\epsilon\rho\chi\omega\rho\eta\zeta$ εἰς ἀλλήλα), realiter distincta sunt; sine distinctione enim non esset unum et alterum; formalis vero ratio, qua mutuo circumcedunt, est unum substantiali illis commune, h. e. vel communis natura, si distinctae sunt hypostases; vel communis hypostasis, si distinctae sunt naturae. Neque enim $\pi\epsilon\rho\chi\omega\rho\eta\zeta$ est mera inexistencia et comprehensio unius ab altero, sicut Deus inexistit in omnibus et comprehendit omnia per essentiam, praesentiam, et potentiam; sed ea est mutua inexistencia propter unitatem vel unionem substantialiem. Possumus ergo dicere: velut *materiale* in circumcessione est distinctio, velut *formale* est unitas. Patet ex his, $\pi\epsilon\rho\chi\omega\rho\eta\zeta$ sensu plenissimo solum esse inter tres personas SS. Trinitatis, ubi personae singulae perfectissima identificatione omnium cum una communia natura complectuntur in se personas omnes; nec potest una intelligi, quin in ea intellecta per illam naturae identitatem sint omnes, cum et singulae et omnes sint unus Deus; atque ideo non potest una videri ut in se est, quin eo ipso videatur Trinitas ut in se est. Immo etiam in lumine fidei non potest cogitari una, quin inferatur et altera, quia natura unum sunt, et mutua solum relatione constitutae ac distinctae; relativum autem unum cogitari nequit, quin alterum inferatur, non Pater sine Filio, non Filius sine Patre, non spiratus sine spiratore Patre ac Filio: « vix dum unum nominavi, et tribus circumfulgeor » (cf. p. 290).

In SS. Trinitate, quae in se mutuo circumcedunt, sunt distinctae personae, formalis ratio qua sibi mutuo immanent, est unitas communis naturae. In Christo ordo est inversus. Distinctae sunt naturae, principium et formalis ratio immanentiae mutuae est unitas hypostaseos. Sicut ergo in Trinitate personae intelliguntur sibi immanere mutuo, quatenus persona unaquaque includit naturam communem; ita naturae in Christo sibi immanere intelliguntur, quatenus includunt communem hypostasin. Sed humana natura hypostasin divinam non includit, nisi quatenus effatur in

concreto (hic homo), non in abstracto (humanitas). Quare περιχωρησις naturarum realis in eo est, quod Deus Verbum seu hypostasis divinae naturae habet etiam naturam humanam substantialiter unitam, et hic homo Jesus seu hypostasis significata ut habens naturam humanam habet etiam divinam naturam identificatam cum hypostasi; quod ergo ex tempore incarnationis nec Deus Verbum est quin sit homo; nec hic homo Jesus est, quin sit Deus. Immanet ergo humana natura in Deo Verbo ut Dei Verbi natura, et immanet divina natura in hoc homine Iesu ut huic hominis Iesu natura. Ita intelligi debet formalis et propria ratio illius penetrationis et comprehensionis, de qua aliqui theologi ad explicandam hanc περιχωρησιν loquuntur. In ordine deinde *logico* περιχωρησις est in eo, quod, dum facta incarnatione concipio et nomine Deum Verbum, nomine illum qui inseparabiliter est homo; et vicissim dum concipio et nomine hominem Iesum, nomine Deum Verbum; atque ita sicut naturae ita nomina significantias naturas in se invicem commeant ratione unitatis naturarum in se, sed rationes unitatis hypostaseos in distinctio naturis impermixte et inconfuse permanentibus. Vide Tractat. de Trin. th. XIV.

Ex dictis in hoc corollario patet, aliquam quidem secundum concipiendi modum sed non secundum rem ipsam esse differentiam, ubi de Christo sermo est, inter communicationem idiomatum in thesi explicatam et inter hanc περιχωρησιν. Ita et ss. Patres rem declarant. Gregorius Naz. ep. 1. ad Cledon. T. II. p. 87. al. orat. 51. postquam demonstravit, de uno et eodem praedicari humana et divina propter unitatem hypostaseos et distinctionem naturarum, quae est ipsa idiomatum communicatio; hoc idem alias verbis exprimit, ita videlicet loquendum esse de Christo, quia et sicut naturae quodammodo miscentur (intime uniuersit per unam hypostasin), ita et nomina commuantur et in invicem commeant ratione unionis (1), quae est ipsa tum realis tum secundum ordinem logicum ac nominum spectata περιχωρησις. Vide explicationem eximiam s. Leonis serm. III.

(1) Κυριακείνων ὥσπερ τον φυσικὸν οὐτὸν δῆ καὶ τῶν ἀλησμῶν, καὶ περιχωρουσῶν εἰς ἀλλήλας τῷ λόγῳ τῆς συμφορᾶς.

de passione Domini c. 1. Cf. Petav. Trin. IV. c. 16; In-carn. IV. c. 14.

Corollarium 2. Si quando Patres communicationem idiomatum his aut geminis verbis efferunt, quod « utraque natura cum altera communicat, quea sua sunt », « quod gloria procedens ex divinitate, et humilia ex carne profecta communia sunt utriusque propter hypostasis unitatem » s. Damasc. l. III. c. 4. 15; haec intelligi ita debent, quod hypostasi secundum alterutram naturam significatae propria sunt et natura utraque et utrinque naturae attributa, ut Dei sint humilia quamvis secundum humanam tantum naturam, et hominis sit gloria ad maiestas infinita quamvis propter et secundum naturam divinam: « tota enim est in maiestate humilitas, tota in humilitate maiestas, nec infert unitas confusionem, nec dirimit proprietas unitatem » s. Leo serm. III. de passione Domini c. 1. Declarat id Damascenus ipse subdens continuo ad verba citata c. 15: « unus enim idemque tum hoc est tum illud, Deus scilicet et homo, et eiusdem sunt tam divinitatis quam humanitatis attributa. » Cf. Suarez disp. 35. sect. 1; Bellarm. de Christo l. III. c. 10; Valentia contra Ubiquarios l. II. c. 4.

Est igitur hic homo sicut infinitus super omnem perfectionis limitationem et aeternus super omnem temporis mutabilitatem, ita etiam immensus super omnem loci et spatii relationem: « nemo ascendit in coelum nisi qui descendit de coelo, Filius hominis, qui est in celo » Io. III.13. (cf. supra p. 9), cui ergo ascensus et descensus non est loci mutatio, sed qui simul est in coelo, dum et ascendit et descendit. At infinitus et aeternus non est secundum naturam humanam creatam, et ita nec immensus est secundum eandem naturam finitam et circumscripsum; sed haec omnia est Filius hominis secundum alteram suam naturam divinam, quia idem qui est homo secundum unam, est verus Deus secundum alteram naturam.

Lutherani ut et transubstantiationem et efficientiam verborum sacramentalium negarent, et simul tamen praesentiam corporis Christi substantialem in Eucharistia de-

fendere possent, corpori Christi ipsi tribuerant omnipraesentiam, ex qua haeresi « ubiquistae » sive « ubiquetarii » appellati sunt. Ad suum hunc errorem adstruendum etiam nova eis necessaria erat doctrina de incarnatione. Aiebant alii, unionem Verbi cum humanae nature formaliter in eo consistere, aut saltem ex illa unione consequens esse, ut omnia attributa divinae naturae ac proinde etiam immensitas fiant attributa naturae humanae, hancque ipsam redditus formaliter omnipotentem, immensam etc.; quae quidem doctrina evidenter absurdia est et meritis monophysitismus. Cum ita docentes absurditatis et novae haereses facile convincerent a Catholicis, affirmare coeperunt, immensitatem ac omnipraesentiam, non quidem ut est ipsa divina essentia, sed ut charisma et donum creatum communicari naturae humanae, et in hac communicatione sitam esse formaliter rationem incarnationis. At imprimis constitutre unionem Verbi cum humana natura formaliter in communicatione donorum creatorum plane Nestorianum est. Sed hoc transmisso a) immensitas formaliter spectata est perfectio infinita, et non potest realiter esse distincta ab ipsa essentia divina, eoque ipso non potest fieri attributum naturae creatae. b) Omnipraesentia ut ab illis intellecta est, quod natura humana quatenus Verbo unitur, exigit ex propria sua ratione praesentiam ubiquecumque praesens est Verbum, supponit tamquam fundamentum immensitatem, nec ab hac differt nisi ratione; talis enim omnipraesentia nihil est aliud quam immensitas cum connotatione rerum existentium, quibus immensus sit praesens. Vide Tract. de Deo th. XXXIV. c) Non repugnaret quidem absolute, ut Deus per suam omnipotentem operationem constitueret corpus et naturam humanam Christi ubique praesentem, ubi est aliqua creature. Sed haec praesentia imprimis non esset consequens ex ipsa unione cum Verbo; sed fieret novo miraculo quod singularis creaturas, quibus humanitas per replicationem praesens redderetur. De tali autem humanae naturae praesentia non solum non constat ex revelatione, quod argumentum negativum hac in re aequipollat positivo, et vel solum sufficeret; sed tum ex factis tum ex doctrinis in Scriptura

consignatis, tum ex constanti praedicatione et professione Ecclesiae plane certum est oppositum. Qui est unitus humanae naturae et per hanc homo, est ubique, non tamen natura humana unita Verbo ubique est; sicut Deus se manifestans Beatis facie ad faciem est ubique, non tamen Beati in quibus se manifestat, sunt ubique; vel sicut anima informans caput est in toto corpore, non tamen caput informatum in toto corpore est, quia latius patet praesentia animae informantis quam partis corporeae informatae. Lege Bellarminum de Christo l. III. c. 11. sqq. Gregor. de Valentia cont. Ubiquetarios; Petav. l. X. c. 7. sqq.

Corollarium 3. Formula « unus de Trinitate crucifixus est » a Petro Fullone Episcopo Antiocheno monophysita et ab aliis haereticis theopaschitis mala mente adhibita est ita, ut praedictatum tribuerent subiecto secundum naturam, qua Christus est unus de Trinitate. Praeterea cum monophysitae alii Sabellianismi, alii tritheismi aut Arianismi saltu suspecti essent, merito timebant Catholici, ne in subiecto ipso « unus de Trinitate » fallacia lateret. Unde cum exortis iam hisce turbis saeculo VI. ineunte monachi Scythae magna contentione postularent, ut synodo Chalcedonensi ac Leonis epistolae haec explicatio tamquam necessaria superadduceret, quod Christus « unus de Trinitate est », et « unus de Trinitate incarnatus est et passus », legati Pontificis Hormisdas, qui Constantinopoli erant penes Iustinum Imperatorem, prudenter responderunt, nihil esse inveniendum, et definitiones Conciliorum ac Leonis epistolam sufficere sicut adversus Euthychianam ita adversus Nestorianam haeresin. Hormisdas ipse a sententia ferenda super sedendum censuit, merito tamen monachorum incredibilem pervicaciam repressit. Ceterum locutionem illam per se orthodoxam esse, et monachos Scythas illam sensu catholicō intellexisse, tum ex scriptis Maxentii et Petri diaconi, qui causam monachorum tuebantur, tum ex Patribus synchronis, tum ex subsequentibus approbationibus Ioannis II. Pontificis et Conciliorum V., VI., Lateranensis sub Martino I. satis constat.

Haeresim suam Petrus Fullo expressam voluit inno-

vatione altera. Hymno Cherubico: « Sanctus Deus, Sanctus Fortis, Sanctus Immortalis, miserere nobis » appendiculam inseruit: « S. Deus, S. Fortis, S. Immortalis, qui crucifixus es pro nobis, miserere nobis. » Sensu horum verborum obvio sane exprimitur haeresis theopaschitarum. Communi enim Patrum et fidelium sententia in trina illa invocatione continetur professio SS. Trinitatis, unde et supplicatio « miserere nobis » dirigitur ad Deum, quatenus unus et trinus est; adeoque et appendix inserta pertinebit ad SS. Trinitatem, vel ad Christum secundum unam communem tribus naturam divinam. Hinc Patrum damnationes extant gravissimae adversus hanc formulam, nec ea umquam in communem Ecclesiae usum recepta est. Ubi tamen semel inducta facile aboleri non potuit, Patres eam ad sanum sensum reducere studuerunt dupliciter, vel ab invocatione separando supplicationem, hanque referendo tantum ad Christum; vel totam orationem ad solum Christum referendo, quod tamen ultimum multi improbabant, quia ita professio Trinitatis iuxta communem sententiam in verbis Cherubicis (Is. VI. 3; Apoc. IV. 18.) contenta excluditur, quod ipsum a Felice III. iam Fulloni fuerat exprobratum. Lege s. Ioan. Damasceni epistolam ad Iordanem de hymno trisagio cum notis Lequennii T. I. 480 sqq. Cf. Petav. V. c. 2-4; Vasquez disp. 15. c. 2. 3; Natalem Alexandrum in saec. VI. dissert. 2; Card. Noris dissert. de uno ex Trinitate passo Opp. T. III. p. 775. sqq.

THESSIS XXXVIII.

De ratione, qua hic homo Iesus sit Filius Dei naturalis et nullo modo adoptivus.

« Christus Iesus etiam ut *hic homo est*, credi debet naturalis non adoptivus Dei Filius. Ratio autem cur *hic homo* ita Filius Dei sit, non aliunde repeti debet quam ex aeterna generatione personae, cui humanitas hypostatico est unita. Per naturam enim assumptam naturalis Filius Dei est homo, et per naturam divinam generatione communicatam hic homo est naturalis Filius Dei; falsum est igitur quod theologi nonnulli contenderunt, esse rationes alias in ipsa natura humana Christi, sanctificationem nimurum connaturalem et ins ad hereditatem paternam, ob quas « *Christus in quantum homo* Filius Dei naturalis » nominetur et sit. »

I. Non perinde est dicere: Christus *ut hic homo*, est Filius Dei naturalis; et dicere: Christus *quatenus homo*, est Filius Dei naturalis. Posterior propositio est ambigua; potest enim habere sensum *reduplicativum formale*, quo est falsa, et potest intelligi sensu quem dicitur *specificativum*, quo coincidit cum priori et est vera. Nunc de priori formula agimus. Dum dicitur Christus *ut hic homo*, ipsum pronomen demonstrativum designat suppositum et personam, hunc subsistentem in humana natura unum in se et distinctum ab omnibus aliis hominibus, qui est sensus sic dictus *specificativus* non autem *reduplicativus formalis*. Designatur scilicet haec hypostasis, hoc suppositum humanae naturae, hic habens humanam naturam ut subiectum, cui convenit praedicatum « *Filius Dei naturalis* »; non autem nature, quae significatur nomine *homo*, ponitur ut ratio, cur et secundum quam praedicatum conveniat, qui esset sensus *reduplicativus formalis*. Ita sensu specificativo Petrus *ut hic Apostolus* est princeps Apostolorum, non autem sensu reduplicativo formaliter Petrus *ut Apostolus* h. c. eo quod *Apostolus*, est princeps Apostolorum.

Causa quae hanc specialem professionem de Christo reddidit necessariam, fuit haeresis Adoptianorum a Felice Urgellitano Episcopo in finibus Hispanicis Carolo M. subditis, et ab Elipando Toletano Archiepiscopo labente sacer-